

東山鄭季雅纂述

太湖備考續編

憩園藏板

太湖備考續編序

粵惟吳中舊志以越後書為最
古沈而祥符圖經出焉又久之而
陸廣微之吳地記朱長文之圖經
續記相繼出焉中文母時連續未
有闕世而不受者

國朝功令飭通志三十年一修洵

觀政之要典也庚子冬余受太
湖丞篆太湖延袤八百里東西山雄
峙之中水產以孕甲於東南
走為吳會之輿區自

詔設廳治以來聲教益著文物
典章粲然煥然盲人金子玉

相研心經編訂為一編名曰太湖備

考圖情詳贖而不以去称讀辭
也余下車來風急為覓賄乃僅
獲一冊蓋兵燹之餘藏書散佚
存其寥寥矣公去鄭君季雅
太守訪知舊版所在告余索回
缺者八十餘頁命工錄補之乎加
校印以成完璧扶持文獻已

足多爲太守以實時事之造更
繼暴之無人也復勤加蒐輯
著述編四夷年逾古稀而筆
花愈盛其文律謹嚴句法樸
素奚待贊贊晉昌黎有言曰莫
爲立言能美不彰莫爲之沒能
盛不傳從者多而不作微鄭君之

雖與婦道余觀太守之云猶不
修在是君訪羅人物搜采軼事
以勵名節教古吏為尚乎與風
俗人心相維繫其隱然溢於楮墨
間余竊願斯土士民崇先民之式
追清古之風以饒讓消凌競以
為儉杜奢華毋為異端所誘

感母為浮飯以浸淫風土清
嘉游於熙皞後人覽是編
若所鼓有令不必苛之慨庶
無負鄭君侯世之深心余向
所期於厚民生正民俗而有
志未逮者於此志稍慰也夫

光緒癸卯嘉平月錢塘程良馭

識於五湖官解

[illegible]

金玉相先生輯太湖備攷成於乾隆庚午
今逾百五十年矣湖中諸麓惟洞庭東山
為最著自雍正間以府佐移駐簿書期會
幾與州郡埒今州郡皆有志乘而太湖獨
無則備攷一書固文獻之淵藪也比年舊
版散佚印本亦不多見恐寢久湮滅此書
遂廢今春白諸當事者葺而完之又以厯
年既久事與時新未聞有踵起而續輯者

心竊病焉或曰金君所著傑作也自是書
出雖有王文恪之震澤編翁季霖之具區
志方且抗古人而奪席而又奚俟後人之
贅筆為予以為不然夫前人所紀述者時
事耳若時異而事不同雖有陳編其如不
相沿襲何竊謂是書至今日有不可續者
有不必續者有不得不續者今以汪洋巨
浸規畫於八百里之中山源水委支條繁

衍其間徑道之紆直形勢之險夷業已包
舉全湖瞭如指掌後人學不逮古輒以一
知半解妄參臆論酈經郭注互有異同設
毫釐差謬反致混淆錯雜貽誤於來茲此
不可續者也若夫絕壑尋幽遺蹤述古下
至都岳之區分物產之名類前文備載今
昔無殊即間有訛漏亦無關於得失之大
此不必續者也至於興衰沿革時事迭更

又經兵燹以後滄桑頓易向所生聚者零落幾何向所建置者廢墜幾何復有軍制之更張賦額之蠲減士夫嬖孺之名節無一不關於政治之經風化之原及今網羅蒐采故老僅有存者設更遲之又久淪沒無傳後有作者雖博物如張華善文若史遷亦安能以無徵不信之事為之憑虛而結撰而謂今日續輯遺文以儲為異日典

要者庸得已乎不佞有志於是而衰軀孱
恭學殖久蕪從事訪羅率多挂漏顧念見
聞雖隘苟隨時隨事撫拾而存之較之遷
流澌滅什不遺一者不猶愈乎若頡頏前
哲自附於作者之林則吾豈敢

光緒二十九年歲次癸卯嘉平月莫釐季
雅氏鄭言紹自識

時年七十有二

太湖備考續編凡例

一凡修輯志乘重在增新不在翻舊若舊說考證詳明無可移易者雖屢經纂修仍照原本茲如備考所載太湖形勢及湖中水口諸山都曷風俗等條均可作爲定本是編概從其舊不贊一辭

一是編接續前編應仍依備考目錄逐條標出以分門類其不必續增者亦仍將目錄開列卽於本條下申明無庸續增之義無使閱者疑爲挂漏

一太湖諸山向無兵革患自粵匪肆毒陸沈三年此爲山民盛衰所繫不可不記其時身經患難後又

博詢故老各述見聞所記悉從其實

一江南肅清後綱紀一新所關涉太湖本境者如湖防改易軍制蘇松蠲減漕賦尤爲一時鉅政其章疏條議具有匡時經濟采輯不厭其詳

一人物係一鄉之望須協公評是編所采一以綱常品節及出宦有治績可傳者始登於篇所采本何志傳必註明於下以期徵實餘不敢濫收

一備考原本編次以列女編在人物之後今因人數繁多此次刊本另歸兩冊以均頁數俟將來彙纂之時仍當依舊編爲次序